



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. D. Magistri Petri Lombardi Novariensis Episcopi
Parisiensis. Sententiarvm Libri IV. quibus vniuersæ
Theologiæ summa continetur**

Petrus <Lombardus>

Mogvntiæ, 1632

Quando hæ clauēs dantur & quibus. A

urn:nbn:de:hbz:466:1-38829

QUANDO HÆ CLAVES DANTVR,

& quibus.

DISTINCT. XIX.

A

Postquam ostensum est, quæ sint claves Apostolicæ, & quis earum vsus, superest inuestigare, quando istæ claves dentur, & quibus. Dantur hæ claves per ministerium Episcopi alicui in promotione sacerdotij. Cum n. recipit ordinem sacerdotalem, simul & has claves recipit. Sed non videtur, quod omnes vel soli sacerdotes has claves habeant: quia plerique ante sacram ordinationem, scientiam discernendi habent, plures post consecrationem ea carent. Sane dici potest, quod alterum clauium istarum, i. scientiam discernendi, non habent omnes sacerdotes: vnde dolendum est atque lugendum. Multi enim licet indiscreti, atque scientiæ, qua eminere debent, exortès, sacerdotij gradum recipere præsumunt, vita & scientia eo indigni: qui nec ante sacerdotium, nec post scientiam habent discernendi, qui ligandi sint vel soluendi. Ideoq; illam clauem in consecratione non recipiunt, quia semper scientia carent. Qui vero ante sacerdotium scientia discernendi præditi sunt, licet habeant discretionem, non tamen in eis clavis est: quia non valent ea claudere vel aperire. Ideoque cum promouetur in sacerdotem, clauem discretionis recte dicitur accipere: quia & ante habita discretio augetur, & fit in eo clavis, vt ea iam valeat vti ad claudendum vel aperiendum.

Si alteram clauem omnes habeant, scilicet, potentiam ligandi & soluendi.

B

Cumq; iam cõstet non oēs sacerdotes illas duas claves habere, quia scientia discernendi plerique carent: de altera, i. potentia ligandi & soluendi quaritur, vtum omnes sacerdotes eam habeant. Quidam enim hanc potestatem putant illis solis esse cõcessam, qui doctrinam simul ac vitam Apo-

Matth. 16.

stolo-